

Stjórnarfundur fimmtudaginn 15. janúar 2015 kl. 15.15 Sörlaskjólí 32.

Viðstaddir: Stjórn FFÍ: Jóhanna Björk, Hulda Sif, Sigurbjörg Eðvarðs og Sigurbjörg Gylfa.

Dagskrá:

1. Frönskukeppni framhaldsskólanna:

Rætt um efni, tímasetningu og staðsetningu keppninnar. Ákveðið var að efnið yrði: „La France de la diversité“ (Frakkland margbreytileikans). Nemendur verði semja frumsaminn texta í bundnu eða óbundnu máli og kynna hann í formi upplesturs, slams, rapps eða hefðbundins lags sem tekið verður upp á myndband og sent inn. Skilafrestur til kennara var ákveðinn 13. mars og 16. mars til stjórnar. Keppnin muni svo fara fram þann 21. mars í Borgarbókasafni kl. 14.00. Sigurbjörg Gylfa og Jóhanna tóku að sér að taka saman kynningu á þema keppninnar, reglum hennar (annars vegar fyrir nemendur og hins vegar fyrir kennara) og verðlaunum og senda upplýsingarnar út til félagsmanna. Sigurbjörg Gylfa mun taka á móti myndböndunum þegar þar að kemur.

2. Vinnudagur frönskukennara og Aðalfundur.

Rætt um tímasetningu, staðsetningu og efni vinnufundarins sem upphaflega var fyrirhugaður í janúar 2015. Ákveðið var nú að færa hann yfir í febrúar, nánar tiltekið til loka febrúar, laugardaginn 28. febrúar og færi hann fram í FG. Efni vinnudagsins var einnig rætt og ákveðið var að nýta fyrri helming dagsins í vinnu við frönskuprófið og seinni hluta dagsins í vinnu við að þróa verkefni okkar fyrir CEO (Samtök frönskukennara í Vestur-Evrópu), „Journal de l'élève“ og að skiptast á verkefnahugmyndum (verkefnaforum). Ákveðið var að aðalfundur yrði haldinn í framhaldi af vinnufundinum þann sama dag og færi fram í AF (*síðar kom í ljós að dagsetningin 28. febrúar gekk ekki þannig að vinnudagurinn og aðalfundurinn voru færðir fram til föstudagsins 27. febrúar*).

3. Námskeið norrænna frönskukennara í Helsinki 26. – 29. mars.

Jóhanna sagði frá því að Nordplus muni greiða helming kostnaðarins við að senda tvo stjórnarmeðlimi á fundinn. Ákveðið var að Jóhanna myndi taka að sér að sækja um styrk til KÍ fyrir frekari kostnaði við ferðina og klára það fyrir 1. febrúar. Ef styrkur fæst frá þeim verði í kjölfarið pantað flug fyrir tvo stjórnarmeðlimi sem verða líklega Jóhanna og Sigurbjörg Gylfa.

Engin **önnur mál** voru á dagskrá en ákveðið var að stjórn þyrfti að koma saman sérstaklega til þess að undirbúa vinnudaginn en dagsetning var ekki ákveðin fyrir þann fund.

Fundi var slitið klukkan 17.30.